

Na traženo mišljenje Sekretarijat je dobio pozitivan odgovor i podršku od svih izuzev od Više geodetske škole, koja je ukidanje škole usloвила sa rješenjem nekih personalnih pitanja. Naime, Viša geodetska škola zahtijeva la je da Gradjevinski fakultet preuzme sve nastavno osoblje i druge radnike Škole. Ovaj stav Škole nije prihvatio Gradjevinski fakultet ni Republički sekretarijat za obrazovanje i kulturu, jer postoji ustaljena procedura i uslovi za prijem nastavnog osoblja na fakultete, od kojih se ne može odstupiti. Medjutim, Gradjevinski fakultet je dužan da raspiše konkurs za prijem nastavnika za Geodetski smjer po Zakonu o visokom školstvu i Statutu Fakulteta, a nastavno osoblje Škole moći će konkurisati na otvorena radna mjesta. Komisija i Društvo su već ranije zauzeli stav da ukidanjem Više geodetske škole ne smije ni jedan radnik te Škole ostati bez radnog mjesta, ali nije mogao podržati stav Škole da Gradjevinski fakultet bezuslovno preuzme sve nastavno osoblje Škole.

Na godišnjoj skupštini Saveza GIG-a BiH održanoj 6.10.1972.godine u Sarajevu data je podrška dosadašnjem radu Komisije i Predsjedništvu po pitanju osnivanja studija geodezije u našoj Republici, uz istovremeno ukidanje Više geodetske škole, i zaključeno je, da delegacija Saveza posjeti predsjednika Skupštine i Izvršnog vijeća, i da ih upozna sa zaključcima Skupštine i zamoli ih za podršku u rješavanju kadrovskih problema naše struke, putem osnivanja studija geodezije u Bosni i Hercegovini, što je i učinjeno.

Prilikom posjete predsjednik Skupštine je od direktora Republičke geodetske uprave zatražio da sagleda probleme vezane za nastavni kadar, te da o tome upozna Skupštinu. Po ovom pitanju Skupštini je upućen slijedeći dopis:

PREDSJEDNIKU SKUPŠTINE SRBIH

S A R A J E V O

I

Po našem mišljenju za osnivanje geodetskog odsjeka pri Gradjevinskom fakultetu postoje slijedeća kadrovska rješenja.

Danas u Sarajevu imamo 3 profesora diplomirana geodetska inženjera na Katedri za geodeziju na Gradjevinskom fakultetu, jednog magistra geodezije, kao i 4 profesora Više geodetske škole od kojih će vjerovatno većina biti izabrana za odredjena zvanja na budućem odsjeku. Nadalje, ovdje treba imati u vidu i 12 diplomiranih inženjera geodezije na trećem stepenu studija.

Takodje, smatramo da Dr ing. Abdulaha Muminagića treba dovesti u Sarajevo čim prije, jer s njim obavezno računamo. Isto tako ne isključujemo

mogućnost dolaska u Sarajevo još nekih kadrova, kao i privremeno angažovanje jednog broja profesora iz drugih centara (Beograd, Zagreb i dr.).

II

Predlažemo da odsjek počne sa radom u prostorijama Više geodetske škole šk.1973/74 godine, s tim da nakon iseljenja Elektrotehničkog fakulteta iz zgrade Arhitektonskog fakulteta ustupi potreban prostor za geodetski odsjek. Inače, ove prostorije se nalaze uz prostorije Gradjevinskog fakulteta.

Ovakvo rješenje problema prostora prihvataju rukovodioci Gradjevinskog fakulteta, s tim da se ono na neki način verifikuje od strane nadležnih organa.

D i r e k t o r,
Ing.Vladimir Lukić, s.r.

Pitanje ukidanja Više geodetske škole i osnivanja geodetskog studija bilo je ponovno na 333. sjednici Izvršnog vijeća održanoj 19.4.1973.godine na kojoj je u okviru tačke "Pitanja i predlozi" usvojeno slijedeće:

Republički sekretar za obrazovanje i kulturu dr Radoslav Petrović informisao je o mjerama koje su preduzete za sprovođenje zaključka Izvršnog vijeća, donesenog na 311. sjednici, koji se odnosi na ukidanje Više geodetske škole u Sarajevu i osnivanje geodetskog odsjeka pri Gradjevinskom fakultetu u Sarajevu i, u vezi s tim, obavijestio da je Gradjevinski fakultet prihvatio tu ideju uz sljedeće napomene: da bi trebalo riješiti pitanje materijalnih sredstava i da će sve stvarne troškove za proširenu djelatnost fakulteta podmiriti Republička zajednica obrazovanja; da se Fakultetu stavi na raspolaganje odgovarajući prostor (900 m²) koji sada koristi Viša geodetska škola u Sarajevu; da se izvrše odgovarajuće adaptacije tih prostorija kako bi Fakultet mogao organizovati nastavu za prve dvije godine za po 50 studenata uz napomenu da će za treću godinu (školsku godinu 1975/76) biti potrebno više prostora; da poslije iseljenja Elektrotehničkog fakulteta dobije odgovarajući dio prostora u matičnoj zgradi; da su za dva nastavnika geodezije potrebni stanovi, i to: jedan stan u školskoj 1973/74, a drugi stan u školskoj 1974/75.godini.

Nadalje, istaknuto je da se Gradska skupština protivi ustupanju prostorija Više geodetske škole Gradjevinskom fakultetu Sarajevo.

Primajući to na znanje, Izvršno vijeće je istaklo da je u interesu i grada Sarajeva da se pri Gradjevinskom fakultetu osnuje geodetski odsjek te da bi za to trebalo da i grad uloži napore za stvaranje uslova za osnivanje

tog odsjeka. Potrebno je, s obzirom na to, obaviti razgovor s predstavnicima grada Sarajeva.

Ujedno, Izvršno vijeće je usvojilo prijedlog republičkog sekretara za obrazovanje i kulturu da Republički sekretarijat za obrazovanje i kulturu pripremi nacrt zakona o ukidanju Više geodetske škole u Sarajevu i osnivanju geodetskog odsjeka pri Gradjevinskom fakultetu u Sarajevu.

Gradjevinski fakultet je odmah pristupio razradi Zaključaka Izvršnog vijeća, a zatim otpočeo intenzivno raditi na njihovoj realizaciji. U čitavom ovom poslu Fakultet i Komisija su neprekidno saradivali. Isto tako, postojala je stalna saradnja i sa Republičkim sekretarijatom za obrazovanje i kulturu.

Nakon obimnih poslova koji su u međuvremenu obavljani, Savjet Gradjevinskog fakulteta u Sarajevu dana 7.6.1973.godine donio je Odluku o osnivanju Geodetskog smjera na ovom Fakultetu. Odlukom su obuhvaćene i izmjene koje treba da se ugrade u Statut Fakulteta.

Pada u oči da se Odlukom osniva Geodetski smjer a ne geodetski odsjek kako je predloženo.



Odmor poslije svečanosti

Osnivanje Smjera umjesto odsjeka uslijedilo je iz razloga što Gradjevinski fakultet nema odsjeka već smjerove (saobraćajni, konstruktivni, hidrotehnički), pa je bilo jedino rješenje da se i za obrazovanje geodeta osnuje poseban smjer s tom razlikom što taj smjer, za razliku od ostalih, ima odvojenu nastavu već od prvog semestra-studija. Prema tome, u suštini nema bitne razlike u upisu niti školovanju geodetskih kadrova bez obzira na naziv.

Odluku o osnivanju Geodetskog smjera pozdravili su gotovo svi geodetski stručnjaci Republike, kao i geodetske organizacije, organi i dr. Međutim, istog dana (7.6.1973.godine), kada je zasjedao i Savjet Gradjevinskog fakulteta, Viša geodetska škola se suprodstavlja Odluci Gradjevinskog fakulteta slijedećim stavom:

Socijalistička Republika Bosna i Hercegovina
VIŠA GEODETSKA ŠKOLA U SARAJEVU

Broj: 01-71/73

Datum: 8-6-1973.godine

SAVEZU GEODETSKIH INŽENJERA I GEOMETARA SRBIH

S A R A J E V O

Obala br. 21

Na sjednici Radne zajednice sa studentima i predstavnicima društvene zajednice ove Škole održanoj 7-6-1973.godine razmatrana je problematika u vezi s osnivanjem Geodetskog odsjeka na Gradjevinskom fakultetu u Sarajevu i prestankom rada ove Škole.

Prema onome što je do sada utvrđeno i dogovoreno na mjerodavnim mjestima, trebalo je da Gradjevinski fakultet osnuje Geodetski odsjek i da do konca maja ove godine raspiše konkurs za upis studenata, a da Škola ove godine ne raspisuje konkurs, jer treba da prestane s radom 30.septembra 1974.godine.

Kako je poznato, 8-7-1971.godine, Gradjevinski fakultet je na svome Referendumu izglasao integraciju s Višom geodetskom školom s tim da Fakultet osnuje samostalni Geodetski odsjek.

Radna zajednica ove Škole jednoglasno se izjasnila za ovu integraciju 12.7.1971.godine.

Iz nama nepoznatih razloga ova integracija nije sprovedena iako je u obje radne zajednice u potpunom redu izglasana, tj. prihvaćena. Republički sekretarijat za obrazovanje i kulturu svojim aktom broj: 04-612/75 od 15.3.1973.godine, tražio je naše mišljenje o pokrenutom postupku Republičke geodetske uprave za ukidanje Više geodetske škole u Sarajevu i istodobno